

حیات

نرسسی هربرده ۱۰ غروردر .

سنه لکی بوسته ایله ه لیرا .
(اجنبی مملکتلر ایچین ه دولار) .

ایوه واعلان ایشلری ایچین استانبول بوروسنه
مراجعت ایدیلیر .
یازی ایشلرنه مرجهی آقره هربردر .

اداره مرکزی :

آقره ده ، استانبول جاده سنده آقره
معارف امینلکی یاشده کی داتره

استانبول بورورسی :

استانبولده ، باب عالی جاده سنده ۱۱۹ نومرولو
داتره مخصوصه
تلفون : ۳۶۰۷

میانه داتما میانه... دنیا به راهها میرود حیات قاتلم...
- نیجه -

۱ نجی جلد

آقره ، ۲۳ ، نیشان ، ۱۹۲۷

صافی : ۲۱

غازی یاشانک ظاهر اندرده :

آقره مرکز حکومت ایدر . ایدر یامرکز حکومت قالا جقدر .

- غازی -



ایکی تاریخ

۲۳ نیشان ۱۳۳۶ بویوک ملت مجلسنک
ایلك اجتماعى تاريخدر . ۱۳ تشرین اول ۱۳۳۹
آقره نك حكومت مركزى اولديغنه رسماً
قرار ویریلدیکی کوندر . یکدیگرینی تماملایان
بویاکی وقعه نك افاده ایتدیکی معنا یالکز سیاسی
بر تحول دکلدی . بو ایکی قرار تورک ملتک
فکری وحسی حیاتنک دیکشمش اولدیغنی ،
قناعتلرده ، حرکتلرده یکی بردورک آچیلدیغنی
کوسته ریوردی . متارکه دن صوکر ا تورک
طوپراقلرینه اوشوشن مستولی قوت عثمانلی
ایمپراطورلغنه ۱۶ مارت ۱۳۳۶ ده اک صوک
ضربه یی ایندیرمشدی . سلطنتک مرکزی اولان
استانبولک اشغالی رسماً اعلان اولونمش ، مستقل
برتورکیه نك آرتیق موجود اولمادیکی کوسته بریلک
ایستمش ایدی . بوندن اوتوزیدی گون صوکر ا
آقره ده اجتماع ایدن بویوک ملت مجلسی ایسه
مخاصم بوتون بردنیایه قارشى تورک ملتک یاشامق
ایچون مجادله یه قرار ویردیکنی اعلان ایدیوردی .
هر طرفدن مادتا محاصره آلتنه آلینمش برملکتده

لوزان معاهده سیله تام استقلالنی الده ایتمش اولان
تورکیه ، حکومت مرکزی اولارق آقره یی
انتخاب ایدن رکن برچوق مشکلات قارشیننده
بولونیوردی ؛ آقره ده بر حکومت مرکزنده بولونماسی
ایجاب ایدن مادی وسائط یوقدی . بو وسائطی
وجوده کتیرمک ایچون چوق بویوک زحمتلره
قاتلانق ، یوقسوللقلره مجادله ایدن رک جتین
برطیعت اورتاسنده مدنی بر شهر یاراتمق لازمدی
استانبولک یکی تورکیه یه مرکز اولامایاجغنی
کورن ده ، ملتک اک جتین برطیعت ایله مجادله
ایدن بیله جکنی ، یکی مدنی بر شهر یاراتابیله جکنی ده
آ کلأمشدی . تورک ملتک بویوکسک کوروش
و آرزونک اطرافنده اتحاد ایتمه سی اونده کی حیاتی
قدرتک ، هر تورلو ووانی یی قاجق اک بویوکسک مدنی
اثرلر یاراتابیله جک بر قوت وشدتده اولدیغنی
کوسته ریر .


تظاهر ایدن بو ملی قدرت حقیقی بر انقلابه
اشارت ایدی :

چونکه مستولیر قارشیننده مملکتک
استقلالنی قورتارمق عزمنی کوسته رن ملی قوتک
باشنده بر سلطنت مقامی یوقدی . آرتیق روح
وجودانلره حاکم اولابیله جک « قدسی بر مقام ،
اعتقادی موجود دکلدی . تورک ملتک کندی مفکورده
سندن باشقاهیچ بر مقامه طامایوردی . اسکی قانون
اساسی ماده لرینه « اولو » نظریله باقورق یکی یاپیلان
ایلك « تشکیلات اساسیه » قانونی اطرافنده
آنادولینک اتحادی ، ملی روحدده عنغوی سلطه
اعتقادینک ، بابادن اولاده منتقل قدسی بر مقام
قناعتک بر طوطمادیغنی کوسته رمشدی . اگر
انسان علمی ، جمعیتک مقدراتی کشفه قادر
اولسه یدی اوتاریخدن صوکر ا انقلابک روشنی
تعین قابل اولابیله ردی . فقط علمک مثبت اولارق
کورمه مدیکی بر استقبالی بویوکسک برده هاتنور ایدن بیلیر .
بویوک داهی ده ملی روحدده کی بوتبدلی چوق اول
کورمشدی ، اونک سوق واداره سیله الده ایدیلن
بویوک ظفر ، وجدانلرده هیچ بر مسندی قالمایان
مؤسسهلری ده برر برر اورتادن قالدیردی .
۲۳ نیشان ۱۳۳۶ تاریخی ، نهایت تورک ملتک
هرنوع سلطه دن قورتولق ایسته دیکنی اعلان
ایتدیکی کوندر .

بویوک ظفر واونک پارلاق نتیجه سی اولان

۲۳ نیشان ۱۳۳۶ ، ۱۳ تشرین اول ۱۳۳۹
ایکی تاریخدر که یکی تورکیه نك معنوی وجهه سنی ده
تعین ایتمشدر . بویاکی تاریخ ماضیدن انتقال
ایدن هرنوع سلطه یی آتمق ، یاشامق ، اک ابی
بر حیات یاراتمق ایچون هر تورلو موانعه غلبه
ایله مک . اراده سنی افاده ایدن . ایشه بو اراده درکه
عصری بر جمعیتک نشانه سی ، مدنی بر ملت
حیاتنک نتیجه سیدر .

بویوکسک مریلری بو اراده یی کنج نسله



« آنقره » و « اخیر »

شو صوك زمانلره قدر یازیلان بوتون تاریخ کتابلر مزده ، عثمانلی دولتک « آنقره » شهرینی « اخیر » دن آلدینی ذکر ایدیلرک بونلره عادتاً کوجوک بر « دولت » ماهیتی اسناد اولوندینی کورولور . مقدهما « آنقره اخیری » حقنده بر مقاله نشر ایتش اولان احمد توحید بک [تاریخ مجموعه سی ، ۱۹] ایخانلیر دولتی زماننده آنقره امور داخلیه سنک اخیر الله اولماسی احتمالن بحث ایتکده و بونلری ده عادتاً « طوائف ملوک » صیراسنه ادخال ایله مکده ایدی . حالبوکه « اخیر » حقنده ابتدا « تورک ادبیاتنده ایلك متصوفلر » ده [۲۳۷ - ۲۴۲] عجل فقط اولدجه اطرافلی معلومات و برمش اولدیم کی ، مؤخرأ « آناتولیده اسلامیت » آدلی مقاله لرمده ده وخصو- صده کی مؤخر تدقیقاتک نتایجینی بک مختصر اولارق عرض ایتشم [۶۶ - ۶۷] . بونلرک عثمانلی امپرا- طورلغنک تشکله کی مهم روللری حقنده « حیات » ک ۱۱ و ۱۲ نومرولی نسخه لرنده کی مقاله مده کافی ایضاحاته تصادف اولونه بیلیر . صوك زمانلره قدر بو اقتصادی - دینی تشکیلات حقنده یالکز « ابن بطوطه » نك شهادت لریه استناد ایدنه اشتراق عالمی ، « اخیلک » ک عثمانلیر دورینه عائد اولدینی ظن ایدیوردی . حالبوکه ، عمومیتله تورک تاریخ دینیسی حقنده سنه لر دن بری اجرا ایتدیکم تدقیقات نتیجه سنده بو مسئله نك ماهیتی حقنده اولدجه صریح فکرلر ایدیمکه موفق اولدم ؛ و اخیلرک « فتوت نامه » دیکلری کتابلر دن سکرز اون دانه سنی اطرافیه تدقیق ایتدم . « آناتولی تاریخ دینیسی حقنده تبعات » نامیه نشرینه حاضر لاندیم کلیاتک بر جلدی ده بو مسئله تشکیل ایده جکدر .

آناتولیده شیمدی به قدر ظن ایدیلدی کی عثمانلیر زماننده دکل داهاسلجوقیلر دورنده انکشاف ایتدیکی بوتون تاریخی منبعلر دن آکلاشیلان و داهاز یاده « اخیر » نامیه معروف اولان « فتوت زمره لری » ، « رزمه ی » ک ادعاسی وجهله اسکی آناتولیده کی بوکا مماثل علی تشکیلاته دکل ، اسلام عالنک همان هر ساحه سنده کوزه چاربان « اصناف تشکیلاتی » نه مربوطدر . رومالیر زماننده ، صوکر ا بیراننده موجود اولان اصناف تشکیلاتیه اسلام - تورک عالنده کی مماثل مؤسسه لرک علاقه و مشابهت لری مسئله سی باشلی باشنه تدقیقه دکر بر موضوعدر . مع مافیه اسلامیتده کی بو اصناف تشکیلاتنک تاریخی ، هنوز لایق وجهله تدقیق ایدیلمه مشدر . خراسانک ، ایرانک ، عراقک ، سوریه و مصرک ، تورکستانک صنایع مرکز لرنده تشکل ایدنه اصناف جماعتلری ، « ماسینیون » ک بویوک بر نفوذ نظرله تقدیر و تخمین ایتدیکی کی ، « قرامطه » داعیلرینک « اسماعیلی : باطنی » پرومغاندالریله بک صبیق صورتده علاقه داردی .

نقل ایتک وظیفه سیله مکلفدرلر . اونک ایچوندرکه تربیه غایه سی صبیق صبیق به بویکی تاریخه مربوطدر . ۲۳ نisan ، یکی بر حیات تلقینک ، یکی بر ملی حکومت اشتیاقنک مبشری ؛ آنقره نك حکومت مرکزی اولماسی ایسه ملی بردولت یاراتمق ایچون هر نوع مشکلاته غلبه ایتک عزمنک افاده سی ایدی . یارینک اینی وطنداشی بو عزم و اشتیاقه انطباقه وجوده کله جکدر . اونک ایچوندرکه کنجلیتمزک بویکی تاریخک افاده ایتدیکی معناری دویملاری و دوشونملری ایجاب ایدر . چونکه بو سایده ملی جمعیه الک اینی انطباق ایدم جک بر « شخصیت » اولایلیرلر . بوتون مریدلر هر (۲۳) نisanده کنجلمه برکده داهامدنی جمعیتک ، عصرک ایجاب ایتدیکی شخصیتک نه کی اوصافی حائز اولدینی کلاسیکلر کن تورک ملتک بر طاقم سلطه لر دن قورتولوشی ، اولان بوتاریخلره اشارت ایدرک دیملیرلرکه : « غربده رونه سانس ده نیلن دوردن اعتبارأ کچیریلن انقلابلر بو کونکی مدنی حیات یاراتدی . بو انقلابلرک هدفی شودر : وجدانلر و ملی اراده لر اوزرینه حاکم اولان ولایتلری ، سلطه لری آتمق ، یریوزنده الک مرفه حیات تأمین ایدم بیلیمک اوزره طبیعت حاکم اولمق !.. تورک ملتی صوك انقلابی ایله ایشه بو یوکسک و انسانی وجهیه دوندی . حاکمیتک « بلاقید و شرط » ملته عائد اولدینک الک یوکسک بر افاده ایله بیانی و آنقره نك مرکز حکومت اولماسی قراری ، بو حرکتک برر تجلیسیدر . الک اینی وطنداش ، الک اینی انسانده وجدانی بر طاقم سلطه لر دن قورتاران ، هر نه بهاسنه اولورسه اولسون طبیعی قوتلر دن استفاده ایدم جک وجهله اوغراشمق عزمنی دویاندر . بوکون « حر انسان » ایشه بونوع فردلره ده نیر . بونک ایچوندرکه تورک انقلابی یکی نسله ناصیل بر شخصیت اکتساب ایله مک لازم کلدیکنی کوستریور . »

« حیات » ، ۲۳ نisan ۱۳۳۶ ، بی ۱۹ ، نisبه اول ۱۳۳۹ ، ربط امیرور ر بر نسخنی تورک ملتک بویوک عزمنده درغانه آنقره شهرینه تفصیل ایدرور .

حیات

اسکی آناتولی اخیلرینک « باطنیه » دن عدایدیلدیسی حقنده مقدهما ایلری سوردیکمز - « قله مان هو آر » طرفندن ده تصویب و قبول ایدیلن - نقطه نظر ، « ماسینیون » ک بو ملاحظه سیله تماماً تطابق و حتی بر نقطه نظر دن اونی اکمال ایتکده در . اون اوچنچی و اون دردنچی عصرلرده آناتولیده کوردیکمز اخیر ، « فتوت » ملکنه سالک اولوب سلسله لری حضرت علی واسطه سیله پیغمبره قدر ایصال ایدیورلر ، و دیگر صوفیلرک « خرقه » لریه مقابل « فتوت شالواری : سراویل فتوة » کییورلردی . ایچلرنده بر جوق قاضیلر ، مدرسلرده بولونان اخیلک تشکیلاتی ، اوزمان ، علی العاده بر اصناف جمعیتی دکل ، عادتاً او تشکیلات اوزرینه استناد ایدنه ، عقیده لری او واسطه ایله پایان ، آنارشئی زمانلرنده سیاسی بر قدرت اکتساب ایله بر نوع « طریقت » دی . « ابن بطوطه » بونلرک سیاسی اهمیتنی آجیق آجیق سویلور : « بو بلادک عادتجه بر محله سلطان بولونغاندینی تقدیرده حاکمی اخی اولوب کلن کیده نه آت و لاس اعطا و قدرنه کوره احسان ایدر . امر و نهی و رکوبی عینیه ملوک مشاهددر » [ج ۱ ، ص ۲۲۶] . ایشه آنقره اخیلرینک اسکی مورخلر مز طرفندن عادتاً بر « دولت » تلقی اولونم سنک - سبی شبهه سز بودر . یالکز اون دردنچی عصرده دکل ، اون او نچی عصر ائشاندده آناتولیده حکمران اولان آنارشئی دورلرنده ده بونلرک بک مهم روللری کوزه چارمقده در .

« اخیر » تشکیلاتیه عین زمانده آناتولیده موجود اولان « غازیلر » تشکیلاتی آراسنده اسکیدن بری بک صبیق بر مناسبت موجوددر . عمومیتله آناتولی تاریخنک داهامدوغروسی قرون وسطا اسلام تاریخنک لایقیله آکلاشیلمه سی ایچون بو « غازیلر » تشکیلاتی حقنده ده رین تدقیقاته احتیاج وارسه ده ، آلمان مستشرقلر دن « دوقور ویتق » استشنا ایدیلرک اولورسه ، بومسئله به شیمدی به قدر هیچ کیسه عطف اهمیت ایتمه مشدر . عاشق پاشا زاده نك « غازیان روم » ، عاشق پاشانک « آلپ لر » ، سائر بر طاقم تاریخی منبعلرکده « آلپ ارنلر » عنوانی و بر دکلری زمره ، یالکز سلجوقی امپراطورلغنک سقوطی دورنده دکل داهامد آناتولینک ایلك استیلاسی زماننده موجود بر اجتماعی تشکله ؛ سلجوقیلرک ، آنا بکلرک ، دانشمندیلرک اوردولرنده بونلرک موجودیتی بک طبیعی اولدینی کی ، داهامد اول یعنی « سامانیلر » زماننده « خراسان » و « اوراء النهر » ده بو غازیلرک بولوندینی بیلورز . کچینه جک بر طوبراغه و کندینی یاشاتاجق بر ایشه مالک اولمایارق اقتصادی ضرورتلر قارشیننده مدار معیشتلری قرون وسطانک متادی حریرلرنده و اغتشاشلرنده آرایان بویله طفیلی بر صنفک وجوده کله سی بک طبیعیدی . دولت تشکیلاتنک محدود و ضعیف اولماسی ، حکمدارلرک و امرا نك داخلی و خارجی دشمنلره قارشئی صبیق صبیق اجرقلی عسکر و طرفدار بولمغه مجبور قالمه لری ، یالکز حدودلرده دکل سیاسی - مدنی بویوک مرکز لرده ده بویله بر زمره نك تأسیسی انتاج ایتشدی . هجری ایکنچی عصر صوکلرنده « بغداد » ده عباسی خاندانک داخلی مجادله لر دن بالاستفاده قوتلنن